

UNIVERZITET
„PRIVREDNA AKADEMIJA”
BRČKO DISTRIKT
BOSNA I HERCEGOVINA



PRAVILNIK
O PRIZNAVANJU POLOŽENIH
PREDMETA I EKVIVALENCIJI

Univerziteta „Privredna akademija”

Brčko distrikt BiH

Brčko, maj 2023. godine

Na osnovu člana 7. stav 2. tačka b) i člana 53. stav 1. tačka e) Zakona o visokom obrazovanju Brčko distrikta Bosne i Hercegovine („Službeni glasnik Brčko distrikta BiH“, broj: 30/09, 29/18, 16/20 i 44/22), člana 21. stav 1. tačka e) Statuta Univerziteta “Privredna akademija” Brčko distrikt BiH, broj: 1-31/21 od 01.03.2021. godine, Senat Univerziteta “Privredna akademija” Brčko distrikt BiH, na svojoj redovnoj sjednici održanoj dana 18.5.2023. godine, donosi:

PRAVILNIK O PRIZNAVANJU POLOŽENIH PREDMETA I EKVIVALENCIJI

I. OPŠTE ODREDBE

Član 1.

- (1) Ovim Pravilnikom uređuje se postupak priznavanja i ekvivalencije položenih predmeta sa drugih domaćih ili stranih visokoškolskih ustanova (univerziteta i visokih škola) odnosno programa na Univerzitetu „Privredna akademija“ Brčko distrikt BiH (u daljem tekstu: Univerzitet), u cilju oslobađanja studenata od obaveze polaganja predmeta, kao i postupak priznavanja položenih predmeta studenata Univerziteta prilikom prelaska sa jednog na drugi studijski program na istoj organizacionoj jedinici (fakultetu) i prelaska sa jedne na drugu organizacionu jedinicu (fakultet).
- (2) Predmet ovog Pravilnika je i ekvivalencija ispita koji su polagani, kako prema Bolonjskom, tako i prema ispitima koji su polagani prema pred Bolonjskom modelu studija, a u kojem nisu gradirane cjeline Bolonjskog visokoobrazovnog procesa, odnosno ispita položenih prema propisima koji cikluse studija nisu vrednovali sa ECTS bodovima.

Član 2.

- (1) Za postupak priznavanja i ekvivalencije ispita u postupku priznavanja ekvivalencije položenih ispita nadležna je organizaciona jedinica Univerziteta (fakultet) na kojoj se realizuje studijski program odnosno predmeti čije priznavanje je predmet postupka.
- (2) Konačnu odluku o priznavanju i ekvivalenciji, shodno Statutu Univerziteta, donosi Rektor Univerziteta ili Prorektor za nastavu.
- (3) U provođenju postupka ekvivalencije položenih ispita, organizaciona jedinica dužna je vršiti usklađivanje sa Evropskim prostorom visokog obrazovanja, poštujući načela fleksibilnosti, mobilnosti i prohodnosti.

Član 3.

Univerzitet će omogućiti nastavak školovanja i neće diskriminirati studente koji prelaze sa druge visokoškolske ustanove, ili studente koji imaju diplomu iz prethodnog školovanja, ili studente koji

imaju položene ispite u prethodnom školovanju po bilo kom osnovu (diploma stečena u nekoj od republika bivše Jugoslavije, diploma stečena u višoj školi, diploma stečena u obrazovnoj ustanovi koja je prestala sa radom itd.).

Član 4.

Priznavanje i prenos ECTS bodova može se vršiti između različitih studijskih programa, kao i između licenciranih i/ili akreditovanih visokoškolskih ustanova u Bosni i Hercegovini i u inostranstvu.

Član 5.

- (1) Univerzitet vrši priznavanje visokoškolske isprave radi nastavka obrazovanja imao ca isprave u sistemu visokoškolskog obrazovanja iz naučnih oblasti za koje je Univerzitet registrovan.
- (2) U postupku priznavanja visokoškolske isprave imao cu isprave se utvrđuje pravo na nastavak početog visokog obrazovanja, odnosno pravo na uključivanje u određene nivoe visokog obrazovanja na studijskim programima organizovanim na ovom Univerzitetu.

Član 6.

- (1) U smislu ovog Pravilnika ranije stečeno zvanje je ono zvanje koje je stečeno završetkom studija, kako prema Bolonjskom, tako i prema pred Bolonjskom modelu studija u kojem nisu gradirane cjeline Bolonjskog visokoobrazovnog procesa, odnosno zvanje stečeno završetkom studija prema propisima koji cikluse studija nisu vrednovali sa ECTS bodovima.
- (2) U smislu ovog Pravilnika ranije položeni ispiti su oni ispiti koji su položeni tokom studija, kako prema Bolonjskom, tako i prema pred Bolonjskom modelu studija, a u kojem nisu gradirane cjeline Bolonjskog visokoobrazovnog procesa, odnosno ispiti položeni prema propisima koji cikluse studija nisu vrednovali sa ECTS bodovima.

II. EKVIVALENCIJA I PRIZNAVANJE POLOŽENIH PREDMETA

Član 7.

Studentu koji je uspješno okončao studij ili dio studija na drugoj visokoškolskoj ustanovi ima pravo podnijeti zahtjev za upis putem prelaza na željeni studijski program koji se sprovodi na Univerzitetu, uz zahtjev za nastavak studija i priznavanje ispita prethodno položenih predmeta.

Član 8.

Student koji posjeduje diplomu druge visokoškolske ustanove ili student koji je stepenovao stečeno obrazovanje na nekoj visokoškolskoj ustanovi na području BiH ili inostranstva i po tom osnovu posjeduje odgovarajuću javnu ispravu, može da produži školovanje na narednoj godini odnosno na

narednom nivou obrazovanja fakulteta i studijskih programa koji su organizovani na Univerzitetu, ukoliko se za to u propisanoj proceduri potvrdi ispunjenost uslova.

Član 9.

- (1) Prema procjeni nadležnog tijela Univerziteta, studentu se mogu priznati položeni ispiti u sljedećim slučajevima:
 - a) Ukoliko student u toku školske godine prelazi na Univerzitet sa druge visokoškolske ustanove;
 - b) Ukoliko student upisan na Univerzitet vrši promjenu studijskog programa unutar Univerziteta;
 - c) U slučaju istovremenog studiranja dva studijska programa na Univerzitetu;
 - d) Ukoliko je student upisao određeni studijski program na Univerzitetu, a ima položenih ispita na drugim visokoškolskim ustanovama.
- (2) Studentu mogu biti priznate i sve ostale forme evaluacije znanja postignute u prethodnom školovanju, kao što su: studentski radovi, vježbe, praksa, kolokvijumi, naučno-istraživački radovi i dr., što se potkrijepljuje odgovarajućom dokumentacijom koju student prilaže, a što se u konačnici utvrđuje rješenjem.

Član 10.

- (1) Ispiti i ostale forme evaluacije iz prethodnog člana priznaju se u obaveznom ili izbornom programu u zavisnosti od toga da li su predviđeni u redovnom ili izbornom programu željenog studijskog programa.

III. KOMISIJA ZA PRIZNAVANJE ISPITA I VREDNOVANJE STUDIJSKIH PROGRAMA

Član 11.

- (1) Komisija za priznavanje ispita i vrednovanje studijskih programa (u daljem tekstu: Komisija) se sastoji od tri člana iz reda akademskog osoblja Univerziteta, odnosno fakulteta na koji se vrši upis.

Član 12.

- (1) Članove Komisije imenuje Rektor Univerziteta, u koordinaciji sa dekanima fakulteta kao organizacionih jedinica, čiji će sastav zavisiti od sadržaja zahtjeva studenta, vrste studijskog programa sa kojeg se prepisuje i na koji se upisuje, ostalih formi evaluacije znanja postignute u prethodnom školovanju i drugih specifičnosti slučaja.
- (2) Jedna komisija može razmatrati samo jedan zahtjev, ali i više zahtjeva u zavisnosti od okolnosti iz prethodnog stava o čemu odlučuje dekan organizacione jedinice.

- (3) Jedan od članova Komisije je izvjestilac, a određuje ga dekan u zavisnosti od referenci svih članova komisije u odnosu na zahtjev i okolnosti koje su predmet razmatranja.

Član 13.

Komisija za priznavanje ispita i vrednovanje studijskih programa **može u zavisnosti od slučaja** da:

- a) vrši vrednovanje stranih i domaćih studijskih programa;
- b) utvrđuje matičnost stranih i domaćih studijskih programa;
- c) vrši upoređivanje matičnosti studijskih programa drugih visokoškolskih ustanova sa odgovarajućim programom Univerziteta radi razgraničenja programa na matične, djelimično matične i nematične;
- d) donosi mišljenje o načinu upisa studenata sa diplomom druge visokoškolske ustanove;
- e) donosi mišljenje o načinu prelaska studenata sa druge visokoškolske ustanove tokom studija;
- f) definiše diferencijalni program u prvom i drugom studijskom ciklusu;
- g) predlaže priznavanje stranih visokoškolskih isprava radi nastavka školovanja;
- h) predlaže priznavanje pojedinačnih ispita.

Član 14.

- (1) Članovi Komisija imaju pravo i obavezu da učestvuju u radu na sjednici komisije.
- (2) Komisija može raditi ako na sjednicama prisustvuju svi članovi Komisije, a zaključke donose većinom glasova od ukupnog broja članova komisije.
- (3) Za svoj rad Komisija odgovara Rektorun Univerziteta.
- (4) Na sjednicama Komisije sačinjava se prijedlog koji je ujedno i zapisnik koji potpisuju svi članovi.

Član 15.

- (1) Komisija prilikom razmatranja zahtjeva za priznavanje uzima u obzir sve relevantne činjenice, a posebno:
 - a) trajanje studija na visokoškolskoj ustanovi sa koje se vrši priznavanje ispita,
 - b) druge okolnosti od značaja za priznavanje visokoškolske kvalifikacije, a koje utvrđuje na osnovu zahtjeva, priloga, kao i neposrednim radom, u okviru čega se može obratiti nadležnim državnim organima i drugim visokoškolskim ustanovama.

- (2) Komisija je obavezna da u roku od 30 dana, od dana prijema urednog zahtjeva, donese izvještaj, odnosno prijedlog odluke o podnesenom zahtjevu, na osnovu kojeg studentska služba priprema izdavanje odgovarajućih rješenja za navedene slučajeve.

Član 16.

Komisija priznaje studentu položene ispite iz prethodnog školovanja koji se po sadržaju, obimu i nazivu u značajnoj mjeri preklapaju sa nastavnim programom odgovarajućeg predmeta koji se izučava na Univerzitetu.

Član 17.

- (1) Komisija za priznavanje ispita i vrednovanje studijskih programa utvrđuje usklađenost sa matičnim studijskim područjem predmeta koji se studentu priznaju, kao i obim ECTS bodova koji se priznaju.
- (2) Priznavanjem predmeta priznaje se i ocjena kojom je student ocijenjen, te ostvareni broj bodova u skladu sa ECTS pravilima ovog Univerziteta.

Član 18.

Komisija za priznavanje ispita i vrednovanje studijskih programa priznaje ispite položene u prethodnom školovanju odnosno ispite položene na drugim visokoškolskim ustanovama, ukoliko pripadaju matičnom studijskom području studijskog programa kojeg student **želi upisati**.

Član 19.

U okviru svoje nadležnosti, za potrebe odlučivanja, Komisija može pribaviti odgovarajuće podatke iz izvora dostupnih na internetu, iz međunarodnih javnih baza podataka i javnih registara, ili od nadležnih institucija iz oblasti visokog obrazovanja, kao što su nastavni planovi i programi

Član 20.

Komisija za priznavanje ispita i vrednovanje studijskih programa zadužena je da definiše sadržaj diferencijalnog programa (diferencijalnih ispita) kojeg studenti polažu paraleleno sa programom nastavka školovanja, a što se utvrđuje u rješenju.

IV. POSTUPAK PRIZNAVANJA POLOŽENIH ISPITA I VISOKOŠKOLSKIH KVALIFIKACIJA

Član 21.

- (1) Postupak priznavanja se pokreće na zahtjev stranke, koja želi nastaviti studij na nekom od studijskih programa koji su organizovani na Univerzitetu.

Član 22.

- (1) Postupak priznavanja ispita započinje upućivanjem Molbe (zahtjeva) za nastavak studija i priznavanje ispita Studentskoj službi Univerziteta, uz koju se prilaže sljedeća dokumentacija:
 - a) Uvjerenje o prepisu položenih ispita sa upisanim ocjenama izdato od strane visokoškolske ustanove; **(orginal ili ovjerena kopija)**
 - b) Diplomu o završenoj srednjoj školi. Za upis na II. i III. ciklus studija potrebna je diploma o završenom I. odnosno II. ciklusu studija; **(orginal ili ovjerene kopije)**
 - c) Svjedočanstva za sva četiri razreda srednje škole. Za upis na II. i III. ciklus studija potreban je dodatak diplomi za I. odnosno II. ciklus studija; **(orginal ili ovjerene kopije)**
 - d) Izvod iz matične knjige rođenih; **(orginal ili ovjerena kopija)**
 - e) Uvjerenje o državljanstvu; **(orginal ili ovjerena kopija)**
 - f) Po potrebi Komisija može tražiti i dodatnu dokumentaciju koju je potrebno priložiti (npr.nastavni plan i program i drugu dokumentaciju).
- (2) Univerzitet zadržava pravo da zatraži uvid u originale dokumentacije koja se prilaže.
- (3) Dokumentacija koja se podnosi mora biti na jednom od jezika konstitutivnih naroda u Bosni i Hercegovini. **Član 23.** Postupak priznavanja visokoškolske isprave radi nastavka obrazovanja podrazumjeva sljedeće korake:
 - a) podnošenje zahtjeva;
 - b) rad komisije;
 - c) izdavanje odgovarajućeg rješenja.

Član 24.

Priznavanje visokoškolskih isprava u svrhu produžetka školovanja provodi Univerzitet u okviru čijih studijskih programa se stiču iste ili odgovarajuće visokoškolske kvalifikacije u odnosu na visokoškolsku kvalifikaciju čije se priznavanje traži.

Član 25.

- (1) Univerzitet može vršiti i provjeru pravnog subjektiviteta ustanove, a što podrazumjeva utvrđivanje da li je ustanova zvanično sudski registrovana kao pravni subjekt u državi u kojoj ima sjedište prema propisima o pravnom subjektivitetu te države.
- (2) Univerzitet može vršiti i provjeru pedagoškog legitimiteta, a što podrazumjeva utvrđivanje pedagoškog statusa ustanove u sistemu akreditacije i licenciranja visokoškolskih ustanova od strane nadležnih organa, kao i utvrđivanje pozicije koju ustanova ima na osnovu tog statusa u sistemu visokog obrazovanja države u kojoj je registrovana.
- (3) Komisija utvrđuje matičnost studijskog programa, a što podrazumjeva utvrđivanje ključnih stručnih i profesionalnih kompetencija diplomiranih studenata na tim ustanovama i

utvrđivanje užih naučnih oblasti odnosno naučnih polja u okvirima kojih su te kompetencije stečene.

- (4) Upoređivanje stepena usklađenosti matičnosti predstavlja utvrđivanje međusobne relacije dva studijska programa i/ili ispita u odnosu na njihovu osnovnu matičnost:
 - a) Studijski programi su međusobno matični ukoliko se stručne i profesionalne kompetencije u obrazovnim ishodima preklapaju, odnosno ukoliko oba programa imaju podudarne ključne kompetencije u obrazovnim ishodima.
 - b) Studijski programi su međusobno djelimično matični ukoliko se stručne i profesionalne kompetencije u obrazovnim ishodima djelimično preklapaju, odnosno ukoliko oba programa imaju u djelimične podudarne kompetencije i pripadaju istoj naučnoj oblasti.
- (5) Djelimična matičnost podrazumjeva usklađivanje programa tako što studenti nadoknađuju nedostajuće ključne stručne i profesionalne kompetencije polaganjem diferencijalnog studijskog programa. Djelimična matičnost može da bude posljedica zastarjelosti nekog od studijskih programa ili usmjerenost na različite obrazovne profile u okviru iste struke.

Član 26.

- (1) Vrednovanje visokoškolskih kvalifikacija se vrši isključivo na osnovu postignutih znanja, vještina i kompetencija.
- (2) Priznavanje visokoškolske isprave je proces pronalaženja odgovarajućeg obrazovnog ekvivalenta u sistemu visokog obrazovanja koji se sprovodi na Univerzitetu sa stanovišta vrste i nivoa studija, kao i sa stanovišta stručne i profesionalne podudarnosti obrazovnih ishoda.
- (3) Jednom izvršeno pozitivno vrednovanje određenog studijskog programa važi za sve naredne slučajeve kada je riječ o istom studijskom programu.

Član 27.

- (1) Kriteriji za vrednovanje visokoškolskih kvalifikacija su:
 - a) za nastavak na studiju prvog ciklusa: - da je obim stečenih vještina i znanja uporediv sa najmanje 120 ECTS, tj. onim znanjima i vještinama koji se mogu sticati redovnim studijem u trajanju od najmanje dvije godine.
 - da obim stečenih kompetencija odgovara onim koje su usporedive s najmanje 180 ECTS bodova, tj. onim koje se mogu sticati tokom redovnog studija u trajanju od najmanje 3 godine.
 - b) za nastavak studija za sticanje akademskog zvanja magistra ili ekvivalenta, ukoliko je prethodno završen dodiplomski/diplomski studij/I ciklus studija u trajanju od najmanje 4 godine (najmanje 240 ECTS bodova).

- c) za nastavak studija za sticanje naučnog stepena doktora nauka, ukoliko je završen dodiplomski/diplomski studij/I ciklus i postdiplomski studij/II ciklus studija ili odgovarajući nivo kvalifikacije (najmanje 300 ECTS bodova).
- (2) Iz kriterija za vrednovanje izuzimaju se studijski programi koji se u prvom ciklusu vrednuju do 360 ECTS bodova.
- (3) Ukoliko je visokoškolska kvalifikacija stečena na strukovnom studijskom programu, ista se može priznati ukoliko je nivo ove vrste studija uporediv sa nivoima studija visokog obrazovanja koji se izvode na Univerzitetu. Prilikom priznavanja strukovnog studijskog programa po pravilu se određuje diferencijani program kojim se nadoknađuju nedostajuće kompetencije u akademsko-opšteobrazovnim i teorijsko-metodološkim sadržajima. U rješenju o priznavanju ovakve visokoškolske kvalifikacije jasno će se naznačiti da se radi o strukovnom studiju.³

Član 28.

- (1) Ukoliko Komisija utvrdi podudarnost matičnosti visokoškolske ustanove na kojoj je student stekao diplomu u prethodnom školovanju sa matičnošću na podudarnom studijskom programu Univerziteta, te se izvrši priznavanje visokoškolske isprave, studentu se omogućava produžetak školovanja na narednoj školskoj godini matičnog studijskog programa Univerziteta.
- (2) Ukoliko student nema validnu visokoškolsku diplomu ali su ispiti koji se prenose položeni na visokoškolskoj ustanovi koja je matična iz istih naučnih oblasti u kojima je matičan studijski program kojeg student upisuje, tada može da upiše narednu godinu studija u odnosu na godinu studija koja mu je priznata na toj visokoškolskoj ustanovi.
- (3) Ukoliko su ispiti koji se prenose položeni na visokoškolskoj ustanovi koja nije matična u istim naučnim oblastima u kojima je matičan i Univerzitet, tada student može da upiše onu godinu studija koja odgovara broju priznatih ECTS bodova po osnovu priznatih ispita što u konkretnom slučaju odlučuje Komisija, a u konačnici odluku donosi Rektor Univerziteta.
- (4) Student je dužan da u daljem studiranju na Univerzitetu položi sve diferencijalne ispite i da stekne broj ECTS bodova koji je predviđen stidijskim programom.

Član 29.

- (1) Diferencijalni program po pravilu ne sadrži predmete koji daju opšte odnosno generičke kompetencije ciklusa odnosno nivoa obrazovanja obzirom da su ove kompetencije već sadržane u nivou obrazovanja koji je studentu priznat radi nastavka školovanja

Član 30.

- (1) Ukoliko je diferencijalni program manji ili jednak broju izbornih predmeta predviđenih programom produžetka školovanja, tada diferencijalni program zamjenjuje izborni program studija.

- (2) Ukoliko je diferencijalni program veći od izbornog programa, tada se poistovjećuje sa fakultativnim programom intenzivnih studija.

Član 31.

Studenti su dužni da do sticanja diplome prvog ciklusa steknu propisan broj ECTS bodova savladavajući nastavni program upisane godine i savladavajući program diferencijalnog studija ukoliko je takav program određen Rješenjem o nastavku školovanja na Univerzitetu.

Član 32.

- (1) Ukoliko je student tokom svog prethodnog školovanja položio neki od predmeta koji se izučavaju u programu nastavka njegovog školovanja na Univerzitetu, tada može da umjesto tog predmeta polaže neki od izbornih stručnih predmeta navedenog studijskog programa.
- (2) Zamjenu predmeta iz prethodnog stava odobrava Rektor Univerziteta na osnovu posebnog pismenog zahtjeva studenta.

V. RJEŠENJE O PRIZNAVANJU

Član 33.

- (1) Rektor Univerziteta donosi rješenje o molbi za upis i priznavanje visokoškolske isprave na osnovu obrazloženog prijedloga Komisije za priznavanje ispita i vrednovanje studijskih programa.
- (2) Rješenje o priznavanju visokoškolske isprave i upisu radi nastavka školovanja sadrži: a) godinu studija, b) semestar, c) položene ispite i izvršene druge školske obaveze na visokoškolskoj ustanovi, d) stepen i studijski program koji se priznaje na Univerzitetu radi nastavka školovanja, e) rješenje može da sadrži i diferencijalni program kojeg student mora da završi da bi u produžetku školovanja na Univerzitetu stekao diplomu.
- (3) Rješenje o priznavanju visokoškolske kvalifikacije obavezno sadrži:
 - a) lične podatke podnosioca molbe;
 - b) razlog podnošenja molbe za priznavanje visokoškolske kvalifikacije;
 - c) podatke o visokoškolskoj ustanovi na kojoj se izvodi studijski program koji je predmet priznavanja;
 - d) priznati ciklus/stepen i vrsta studija, te priznati stručni, akademski ili naučni naziv/titula koja je stečena na visokoškolskoj ustanovi;
 - e) priznati ulazni nivo ECTS bodova i vrsta studija, te prava na uključivanje u sljedeći nivo studija, odnosno nastavak započetog studija..

- (4) Ukoliko smatra da postoje okolnosti/činjenice koje nisu uzete u obzir prilikom postupka priznavanja, student može da podnese prigovor RektorU Univerziteta u roku od 15 dana od dana prijema rješenja.

Član 34.

- (1) Jednom izdato pozitivno rješenje o priznavanju određene strane visokoškolske kvalifikacije ne podliježe ponovnom priznavanju, već vrijedi za sve naredne slućajeve priznavanja istih kvalifikacija.
- (2) U slućaju kada je primljena molba za priznavanje visokoškolske kvalifikacije koju je fakultet već jednom pozitivno ocijenio, a radi se o istom nivou obrazovanja, trajanju studija i istim akademskim ili naućnim titulama, Rektor Univerziteta, na osnovu prijedloga Komisije, izdaje rješenje koje sadrži:
- a) lićne podatke podnosioca molbe;
 - b) razlog podnošenja, odnosno pravni interes za priznavanje visokoškolske kvalifikacije;
 - c) broj ranije izdatog rješenja o priznavanju iste visokoškolske kvalifikacije, odnosno o pozitivnom vrednovanju istog studijskog programa.

VI. PRELAZNE I ZAVRŠNE ODREDBE

Član 35.

- (1) Studentska slućba Univerziteta vodi studentski dosije koji sadrži bazu podataka i dokumentacionu osnovu za studente za koje je voćen postupak priznavanja i vrednovanja
- (2) Bazu podataka ćine:
- a) datum prijema molbe za priznavanje visokoškolske kvalifikacije;
 - b) ime i prezime podnosioca molbe;
 - c) datum, mjesto roćdenja i drćavljanstvo podnosioca molbe;
 - d) naziv drćave i ustanove koja je izdala visokoškolsku kvalifikaciju;
 - e) naziv visokoškolske kvalifikacije, broj i datum izdavanja;
 - f) naziv studijskog programa sa kojim je visokoškolska kvalifikacija izjednaćena priznavanjem;
 - g) broj i datum zakljućka o dopunskim diferencijalnim ispitima;
 - h) broj i datum rješenja o priznavanju visokoškolske kvalifikacije.
- (3) Dokumentacionu osnovu ćine:
- a) molba za priznavanje visokoškolske kvalifikacije;
 - b) isprava o visokoškolskoj kvalifikaciji ćije priznavanje se traći;
 - c) zapisnik/izvještaj Komisije o provedenom postupku priznavanja;

- d) odluka Rektora Univerziteta;
- e) rješenje o priznavanju;
- f) žalba, ukoliko je podnesena;
- g) odluka o žalbi.

Član 36.

Odredbe ovog Pravilnika se ne odnose na studente koji pohađaju nastavu organizovanu kao zajednički, interdisciplinarni odnosno multidisciplinarni studiji u saradnji sa drugom domaćom ili stranom visokoškolskom ustanovom kada su ispiti položeni u skladu sa sporazumom o zajedničkom organizovanju studija.

Član 37.

Pitanja koja nisu regulisana ovim Pravilnikom rješava Komisija uz pribavljenu saglasnost Rektora Univerziteta.

Član 38.

Izmjene i dopune ovog Pravilnika vrše se u postupku i na način kako je donesen osnovni Pravilnik.

Član 39.

Ovaj Pravilnik stupa na snagu danom donošenja i objaviće se na web stranici Univerziteta, čime prestaje da važi Pravilnik o priznavanju položenih predmeta i ekvivalenciji Univerziteta „Privredna akademija” Brčko distrikt BiH, broj: 1-31/23 od 14.03.2023. godine.

PREDSJEDAVAJUĆI SENATA
REKTOR

Broj:16-31/23-1

Datum: 18.5.2023. godine